

西安府志

第八冊

鄭子齋  
船  
PDG

西安府志卷第九

建置志上 城池 公署

中建置之盛自周官三百各樹厥宅而後下訖漢唐陞  
執百重周廬千列所謂各有典司星羅碁布者大半已成  
故蹟不可復問矣茲卷特志其現理者城池所以衛民公  
署所以臨民故先之次之以關鎮次之以郵傳皆建置所  
有事也至軍政雖非太守所職然駐劄分防皆其所轄之  
地與所治之人故附載焉仿漢志例分上中下卷

西安府

城池府城通志卽隋唐京城隋文帝厭長安制小納蘇威  
諫召高潁等勸建新都其地在漢故城東南南直終南子

午谷北抵龍首山以據渭水東臨灞澮唐永徽五年築羅城天祐元年匡國軍節度使韓建改築約其制謂之新城宋金元皆因之明洪武初都督沐英增修門四東曰長樂西曰安定南曰永寧北曰安遠四隅角樓四敵樓九十八座嘉靖五年巡撫王蘊重修城樓隆慶二年巡撫張祉甃以磚崇禎末巡撫孫傳庭築四郭城闔寇入關焚東門樓及南月城樓

本朝順治十三年巡撫陳極新修葺如制康熙元年雨圯總督白如梅巡撫賈漢復重修長安咸寧二縣附郭

按西安省城通志云周四十里高三丈以今尺度之周遭計長四千三百二丈實二十三里九分外甌內土均

高三丈四尺底厚六丈頂厚三丈八尺於乾隆二十八年中丞鄂公

奏修計動

帑費一萬八千九十四兩有奇至今完固至周城河共長四千五百丈舊深二丈廣八尺今中丞畢公以此濠與龍首永濟二渠實相資輔於三十九年議加開濬加深四尺面寬六丈底寬三丈逾年畢工計動工費銀八千兩有奇

鐘鼓二樓通志在城內東西相距半里許明洪武十七年  
建正統五年修

本朝康熙三十八年復修

滿城通志在府城東西界鐘樓

本朝順治六年卽故明秦府基改築以居八旗官軍門五東  
仍長樂西南因鐘樓西北曰新城南曰端禮西曰西華一  
統志周九里

公署總督部院署通志在府治西南舊駐固原鎮順治初  
移西安總督孟喬芳荆建康熙元年總督白如梅復因正  
學書院舊址拓修二十三年以漢中爲川陝適中地移建  
制府以便兼轄後仍還原署四十二年

聖祖仁皇帝西巡

賜總督博濟署額曰保釐秦隴

按陝甘總督舊駐西安後以西陲辦理軍務移駐肅州

以便調遣大功告成後于乾隆二十九年三月初六日  
奉

上諭肅州距西安會城較遠于腹地屬員案牘控馭轉多隔  
礙著將蘭州巡撫衙門改爲督署令該督移駐並兼管巡  
撫事毋庸更設巡撫所有原設撫標卽改爲督標其舊設  
西安督標改爲提標卽令固原提督回駐西安管轄欽此  
時總督移駐蘭州府所有西安府城院署仍復時加修  
爲制軍行臺焉

巡撫部院署通志在府治北明宣德七年建嘉靖二十一  
年巡撫趙廷瑞增修復導通濟渠由西垣入東垣出

本朝康熙二十四年巡撫鄂愷重修資政錄四十一年

聖祖仁皇帝賜撫臣鄂海名棠郁爾額百二山河歌保障三千禮

樂輔經綸聯四十二年

翠華西幸

賜撫臣鄂海永綏秦壤額衣冠累世王公胄柱石三朝社稷臣聯

又

賜撫臣鄂海爲政寬恕額三秦地濶榮開府二華峯高比重臣聯

恭懸署內

按撫標中軍叅將署通志在咸寧所二坊城守營叅將署在長安所一坊其餘武職公署不具載

將軍署通志在滿城吉茂巷康熙四十二年

聖祖仁皇帝西巡

賜將軍臣博濟列雅著贊額長爲士心思鼓舞肯因國事惜勤勞

聯

副都統署通志在滿城東北

按滿城各職官公署不具載

會府通志在滿城西南

陝西提督署陝甘資政錄在府治西南

按陝西提督舊稱固原提督駐固原州乾隆二十九年

奉

旨移駐西安所有官署卽督標中軍副將署陞改建者

布政使司署通志在府治東相傳爲秦穆公故府唐爲尙書省一云爲于志寧郭汾陽宅基金卽其地爲行署元爲行省延祐間修明洪武七年改爲司署設僚屬廨舍十七



年增修正統八年左布政使郭堅嘉靖二十九年左布政使葛守禮繼修

本朝順治五年左布政使劉宏遇康熙四年布政使顏敏重修廣積庫在大堂旁四十二年

聖祖仁皇帝西巡

賜布政使臣鄂洛清慎勤雲峯二額

按經歷司理問所廣積庫大使解通志俱在布政司大門內東偏

按察司署通志在府治西明洪武初因元御史臺爲治在布政司東後并入秦府移建今署正統十年按察使鄧棨  
成化十年按察使王朝遠十三年按察使劉福拓修

本朝康熙四十二年

聖祖仁皇帝西巡

賜按察使臣何嘏清慎勤額獄在署內西偏雍正七年按察使碩色葺

按經歷司司獄廨通志俱在按察司署內

糧鹽道署通志在布政司署左舊爲左叅政署康熙四十二年

聖祖仁皇帝西巡

賜叅議臣黃明清慎勤額五十四年叅議祖允焜葺東園於署左後改道署

按大使廨在倉內

驛傳道署通志在府治西北先是道署在按察司內明成化十三年改建

本朝康熙二十一年裁缺署廢三十一年復設副使張霖徙  
今治重建

按今治本巡按署順治十八年裁缺署廢後改今治

西安府署通志在布政司西元奉元路址明洪武二年建  
永樂間葺正統四年知府鄧晟天順四年知府余子俊拓  
修八年重建宏治十五年知府馬炳然嘉靖十三年知府  
夏雷二十四年知府吳孟祺二十六年知府胡汝輔修陝  
甘資政錄

本朝乾隆八年知府朱閑聖三十二年知府克爾圖四十年

知府周廷俊四十一年知府田錫莘繼修獄在堂西南  
按經歷司署通志在府堂西照磨所在經歷司南知事  
廳在府堂西北司獄司在府署中門西偏皆明嘉靖十  
三年知府夏雷易西隅民房改建二十四年知府吳孟  
祺復分建廨舍丞處其東倅處其西

理事同知署陝甘資政錄在府治西爲舊裁分守道署乾  
隆三十八年同知海尙阿修

清軍同知署陝甘資政錄舊在府署內東偏乾隆三十二  
年改爲庫廳署今移府治東南舊裁都司署乾隆三十八  
年同知田高修

長安縣

公署縣署通志在府治西唐天祐間韓建築西郭小城爲縣治宋金元皆因之明洪武四年移建今治明末圯

本朝康熙元年知縣梁禹甸改建陝甘資政錄乾隆三十一年知縣潘時選三十七年知縣錢人龍繼修庫在堂西獄在西南復有小倉以羈輕犯皆梁禹甸建

縣丞廨通志在縣堂東典史廨在丞廨南

按長安舊無主簿乾隆三十八年中丞畢公

奏請增置駐斗門鎮

迎賓館通志在西關外

養濟院通志在西關外陝甘資政錄乾隆二十九年知縣

咸寧縣

公署縣署通志在府治東南三里許唐天祐間韓建築東郭小城爲縣治宋金因之元泰定至正間縣尹唐兀王義修明洪武初因拓城移建今治嘉靖二十三年知縣馬佩萬歷十二年知縣李生芳三十四年知縣滿朝薦崇禎五年知縣閻思學繼修土地祠在儀門右

本朝康熙三年知縣黃家鼎以獄分輕重度獄東南隙地建倉一所陝甘資政錄乾隆二十八年知縣龔元朱三十六年知縣楊嗣衍復修庫在堂西獄在儀門內西

縣丞廨通志在縣堂右典史廨在丞廨南

迎賓館通志凡三所二在東關外一在北關外

養濟院通志在城內西北陝甘資政錄乾隆二十九年知縣龔元朱修

咸陽縣

城池縣城通志舊在杜郵西明洪武四年縣丞孔文郁遷今治築城浚濠以南臨渭水衝崩爲患景泰三年知縣王瑾修正德十三年知縣底蘊復修河岸制椿板沿隄覆翼嘉靖九年巡撫劉天和復修二十六年巡撫謝蘭拓東西北三隅門九東曰朝陽西曰望賢南曰渭陽北曰五陵學道門曰文明上各建樓又有西北小北小南及新城門萬歷丁亥隄圯水浸及城知縣樊鎔修築崇禎中知縣張名世重築

按咸陽縣城土築周遭共長一千四百二十二丈三尺計七里九分城身均高二丈四尺頂厚一丈一尺底厚二丈乾隆十四年知縣臧應桐修葺動項一萬九千三百二十八兩有奇池深一丈五尺又城南渭河每虞汕刷乾隆七年知縣姚世道請于南門外東築護城石隄一道長一百三十丈高九尺五寸寬三尺五寸又南門外西築石隄一道長五十丈高九尺迄今完固每值河水漲溢不爲城患

**公署**縣署通志舊在城西北今在城中明洪武四年縣丞文郁建

本朝順治中知縣江山秀修陝甘資政錄乾隆三十五年知



縣舒其紳三十九年知縣孫景燧繼修庫在堂東獄在西  
南

縣丞廨通志在縣堂東典史廨在縣堂西

養濟院通志在縣治北門外

### 興平縣

城池縣城通志隋大業九年建明成化十三年知縣王琮  
修築嘉靖三十一年知縣劉賢引泉溉土築之完固倍昔  
三十五年知縣朱文環堞築臺起舍建四門樓三十八年  
知縣章評改建譙樓于東南城上四門東曰喜雨西曰喜  
豐南曰喜晴北曰喜雪

本朝順治中知縣徐開熙重修